

Januarii, anno Domini M. DCC. LVII.

An quantum sanguinis, tantum lymphæ momentum?

I.



Nemo ignorat quanti ponderis sit latex ruber hinc quo pulsatio cordis nulla, nec vitæ robur, nec aliæ functiones conservarentur. Earum interim gloriam sibi vindicare totam non debet. Caloris accessio, cor & auxiliares ejusdem copię partem laudis deerpunt. Chylus, bilis, succus gastricus, pancreaticus humor, is qui in intestina exipit deipuit & alii aliquid etiam præripiunt; sed magnam partem concedendam lymphæ, nihil detrahendo de sanguinis gloriâ, probare aggrediemur.

11.

2^o. Sanguis à corde ad corporis ambitum, lymphæ ab ambitu ad cor fertur.



subclaviam cum chylo denique adventant. Lympha ibi sanguini admixta in cordis cavum labitur. Ut aquæ fluviorum eunt ad mare, hoc verò in ipsorum alveos non attollitur, sic sanguis accipit lympham, hæc autem jure dum superbit suo, hospitem illum nunquam admittit.

4°. Venæ lymphaticæ conglobatis passim distinguuntur glandulis; at rubri canales non ita interfecti, cum sanguinis velocitati obex nullus, nec artificium longiori moræ afferendæ idoneum esse debeat.

5°. Sanguis celerius fluit quàm lymp̃ha quæ lentè progreditur.

6°. Prior præter aquam plurimum gelatinæ, moleculas rubras globulosasque & mille liquores confusos, imo lymphæ ipsius stamina complectitur. Hæc autem minis composita est: liquores diversos sibi socios non adjungit, nisi perlicudos aut albos.

7°. Materia in sanguine delitescit quæ celeriter alere valet inflammationem, suppurationem & corruptelam sphaceli nomine donatam. Tanta incommoda non adèò reformidanda sunt à lymphâ. Cum enim mitiorem & tranquilliozem habeat indolem, non tam facillè putrescit, tardiùs etiam in pus abit, neque unquam vi suâ inflammatur, quantoscumque dolores excitet.

8°. Gravioribus & acutis morbis sanguis plerumque obnoxius periculosas curationes & accipites adhibere cogit, in quibus ægri aut pereunt brevi aut brevi exsuscitantur, & citò fit in priore casu ut magna sit admiratio medicatricis nature, in posteriore mors increpetur sola. Hoc systemate fulcita erat Hippocratis magni praxis, atque olim apud Ægyptios ea lex quæ Medicus vel sapientissimus qui ægro ante quintum morbi diem opem ferebat, mortis accidentis architectus miserrimè reputabatur. *Diction. univers. de Medic. Dist. hist. p. iij.* Quod ad lymphaticos affectus pertinet, longè aliter se habent in multis & ægrotantis fors & curationis ratio. Lympha sæpè sapiùs ad longum tempus crassa fit, glutinosa, densa: quin ea durescere potest aut tabescere: lentà virus tabe aut chronicis morbis pertinaciùs stat infecta, unde rebelliores obstructions, glandulæ indurata, scrophulæ & alia pejorum morborum genera. Qui istà peccante ægroti fiunt, plerumque levius ægrotant & non nisi diuturnâ Medicinæ exercitatione sanantur. Sed heu! Mille affectiones chronicæ Empyricis, quos audaces fortuna non rarò juvat, relinquuntur.

9°. Dissimiles primigenorum liquorum indoles designantur à diversitate remedium quæ vitioso lentori medentur, cum alia sanguini, alia lymphæ congruant. Hydrargyris enim qui huic aptissimus, illi plerumque nocivus aut inutilis est *. Hos effectus longinquè temporis usu & periclitatione Medici recentiores perceperunt. Id itaque culpæ dandum puto quibusdam Authoribus, quod mercurii præparationes à medicamentis sanguinem specialiter incidentibus seu antiscorbuticis neque separaverint, neque distinxerint. **

I I I.

EX variis lymphæ beneficiis nullum amplius efflorescit quàm cutis candor. Formosissima v. g. faciem, mulieris nempè duplex imprimis color exornat, cum albus, tum ruber: hic à sanguine, ille à lymphâ delineatus, suspensoque ut ità dicam penicillo sapientiùs quàm in personatis fuco fallacissimo dispersitus, nec sine magnâ sanitatis exhilarantis significatione. Ubi verò sanguis in vultu plethorâ quâvis redundat, rubor effusor est. Niveum denique colorem cutis præsert, quoties lymp̃ha luxuriatur aut nimium scaturit, nisi, ut in Nigritis, laticis utriusque dotes, tincturâ reticularis textus, radiis luminis suffocandis opportunâ inter epidermidem & cutem velut larvâ occultentur. Ad nobiliores usus lymphæ scrutandos, adytum humanum, seu primam concepti homuncionis habitationem penetremus; ibi è lymphâ sanguis, ut è sanguine lymp̃ha renascitur: ambo fluidorum omnium fontes uberissimi. Totus enim è succo lymphatico fœtus oriundus in utero maternâ conformatur, cum sanguis nullus, sed lymp̃ha sola à Matre ad placentam ducatur: assertionis hujus Anatomicas probationes videre est in *Ruisk. t. 2. C. Falconet Thes. 1711.* Quem sanguinem volvit fœtus, propriis illum viribus ex lymphâ generat; quæ quidem ipsi ex omni parte offertur. Liquire enim amnios qui lacteo-lymphaticus est, totum utitur homunculi corpus per tot ora quot poros fugo: imò seriùs ociùs sitiens & esuriens illum bibit, deglutit & digerit. Id rationibus numerosissimis devictum legimus à Bartholino. *C. X. de lact. Thor.* Præterea sanguis ipsemet fœtus propriam intus parit lympham, Q lymp̃ha quàm mul-

* Kramer. Med. Cass. p. 3. C. 2. Frederic. Hoff. Medic. rat. Syst. t. 4 p. 5. Traité du Scorbut traduit de ... M. Lind D. M. tom. 1. note n. p. 66. p. 206. 225. 336. tom. 2. p. 176. 181. 436. 439. ex Van-wieten.
** Aphorif. Boerhaav. Chim. de Lemet.

ta, ab utero in placenta, ab involucris foetus in universam ipsius superficiem; ejusdem à visceribus in viscera diffunditur! Res etiam physicis confirmatur experimentis. Juniorum animalium carnes vel ossa in multum viscum coctione reducuntur, & partes quæ minus sanguinis includunt, plus hujus gelatinæ relinquere solent. Sed nec Physicâ subtili, nec analysi Chemicâ hic opus videtur. Satis quippe fuerit Gallinaceum ovum frangere, & solitarios inspicere succos à quibus rudimenta trahere pullus debeat. In putamine lymphaticum orbiculatim nidulatur albumen ex quo avis tenera fingitur. * Per plures menses juniorum animalium natura glutinosior durat, qualem in Pullo, Vitulo & Porcello lactescente inter epulas degustamus.

* Hoffmann.
C. de nutritione.

I V.

EX quibus constamus & generamur, ex iis etiam nutrimur: verba sunt Hoffmanni *ibidem C. de Nutr.* Abque lymphâ nutrice, neque formatio corporis, neque auctio, neque duratio fieri potest. Nutritio actus est quo perficitur corpus nec non reparatur. Hæc autem functio quæ longè omnium præstantissima est atque cæterarum conservatrix, ex ipsâ lymphâ pendet. Nullus huc usque indigitatus fuit liquor huic operi magis idoneus. Lympha enim succos fluidus est & gelatinosus & temperatus, tribus proinde conditionibus ad nutriendum requisitis dives. Cujus quidem ea est fluendi facultas, ut in exilissimos solidorum meatus se infinuet, per omnem omnium viscerum superficiem emulgeatur, exudet, fumet, ipsiusque halitus per eorumdem poros resorbeatur: ea gelatina, ut solidorum partes molles flexilese aut lubricas præstet, iisdem glutinis instar tenaciter adhærendo unâ compingatur, detrimenta compenset, ac doctes varias obfirmet: ea denique temperies, ut neque irriter, neque stimulet, nisi ad gratissimas titillationes & tacitas impressiones in singulis sensationum instrumentis juvandas vel præmovendas.

Cæterum eorum quibus vescimur indolem redolet corpus necesse est. Deus optimus, maximus & bonè providus singulare Animantibus alimentorum penus dedidit, in quibus gelatinæ plurimæ stamina delitescent: gummosa in his, in illis gummi-resinosa, in aliis mucilaginea, in multis diluti amyli instar; singula hæc in vegetantibus. Alia passim & copiosè occurrunt, ubi gelatina ipsa patet jam parata, edulia animalia intelligo. Huc accedit quòd juxta sapientissimæ Naturæ consilium, homines & bestia: ea quæ lympham instaurare possunt discernant & feligant, homines ratione, bestia: verò instinctu, ambo gustatûs efficacitate.

Quas decantamus lymphæ vires, hæc non ad solida solum pertinent, verum etiam ad varios liquores; 1°. in mesenterii venis cum chylo societate coit, quâ ipsi animalem quandam auram addat, impediatque quominus idem in grumos abeat; 2°. in sanguinem semper redit non minus eum renovatura quàm ab eo vicissim ipsamet renovanda. Sanguis enim propter lympham & lympa propter sanguinem agitur. 3°. Ut à sanguine seceretur, sic liquores perlucidos ab eâ derivari verisimile videtur. Cum lympa pervenit ad prima sua organa, tubulos ejusdem in binos dividi ramos faciliè concipimus; alter puriorem citioremve transmittit lympham v. g. in superiore corporis parte succos nerveos, in inferiore semen; alter exportat reliquias; viscidiores scilicet humorem qui tum muco sanguinis, tum lymphæ analogus est, quales sunt mucinarum, oris & gutturis atque intestinorum; priores propè cerebrum; posteriores non longè à seminis organis. Fortè non hypotheticus liquorum diaphanorum genealogus videbor, sed rei minus dubiæ affirmator, si isti ex similitudine spectentur. Illi enim valdè lymphaticos se ostendunt, tum perluciditate, tum affinitate quæ inter eos & virus quodcumque lymphaticum interest; & si quod remedium istorum morbos celerius sanaverit, id depromptum est à quâdam classe Medicamentorum Gallicè *Fondans*, ab Antiquis minus cognitorum, sed à Recentioribus, inter quos *Junker*us conspexit. *Therap. gen. Tab. XIV.* ordinatè dispositorum à quibus lymphæ gluten peculiariter potest attenuari, resolvi, colliquari.

Fateamur oportet lymphaticos humores plerosque non lymphæ solum, sed etiam mucum sanguinis participes esse. Unde fit ut inter tractandas illorum affectiones, non raro lympa culpetur, ubi culpandus sanguis, aut is accusetur, quando prava illa est, aut unum duntaxat suspectum videatur, ubi ambo peccant velut in scorbuto scrophuloso & in siphylide scorbuticâ, ac exitiosi committantur errores abutendo Antif-

4

corbuticis & hydrargyro. Cùm tanti ponderis sint hæ notationes non possumus non ingemiscere quòd vulgus quotidie se tradat Mercurialibus præparationibus hominum sine titulo nostro & indocte Medicinam facientium.

V.

ACCEDANT quotquot sunt Pugnatores, eorum arma non timemus: animos excitat veritas; sed hæc etiam impedit quominus Certantium jus aspernemur. Quin dico eos qui Thefi nostræ inimiciores videbuntur, amiciores fore. Tu qui summis laudibus velut imperantem extuleris sanguinem, & tu qui lympham dignitate superiorem esse contenderis, manus date, Qui seorsim adversarios esse creditis, profecto inter vos connexi atque conjuncti, nedum thesim de sede sua moveatis, vos illam stabilitis, & inter bina quæ singuli ostentare potueritis momenta, quorum unum hinc, inde alterum paribus ponderibus libratum, in medio consistet positionis nostræ firmissimum robur. Fortè reprehendemur quòd in lymphâ exquisitiùs laudandâ ferè toti fuerimus. Sed rubicundum laticem alij satis huc usque prædicaverunt: pro animi magnitudine ut pro sanitate solus sanguis officiosis verbis salatur. Quotquot enim sunt nati inter Nobiles, Scutarios, Equites & alios generis illustrati, qui erga Regem fidelitate & obsequio, in Cives pietate & cæteris virtutibus pollent, laborando acerrimè, bello insuperabiles, audaces in periculis, verbo ad præclara omnia facinora prompti & expediti, illorum tantæ nobilitatis laus ad nobilitatem sanguinis avorum in nepotes transfusi refertur. De lymphâ, à quâ dotes magnâ ex parte oriuntur, vix ulla fit mentio, nisi quando hæc de corpore malè meretur, ubi v. g. ignominiosas producit insolationes glandularum colli, maxillarum, mammarum, inguinum & alios morbos sibi familiares, sive è lugenda scrophularum stirpe, sive ex infortunato thalamo natos. Sanguinis culpâ ægri non æquè dedecorantur atque lymphæ turpitudinibus. Sed nihil inde adversus thesim. Quantâ enim nobilitatis laude fruitur sana lymphâ, tantâ obruitur ignominia, ut primum à naturali castitate degeneravit. Pro corollario sit sequens fabula.

C O C H L E A E T P U L E X .

Cochlea parenti erat fenestellæ domus
Affixa sine modestiâ corpore ferè
Nudata toto tegmen osseum gerens
Dorso super brevi; suorum & cornuum
Amabat explicare longitudinem.
Errando Pulex obvisus fuit pedem,
Et ait: triumphum, Androgyna, Charitum tu Chorus;
Detecta lepide mihi cutis hæc tua placet:

Saltus meos noli timere, etenim bono
Alacrique sanguine propulsus, te ardeo.
Is sine morâ sponte salit in Cochleæ antrum
Et pungit: hæc Pulicis horret aculeos:
Suam recondit se in domum, viscum vomens;
Viscoque pressus heu miser Pulex gemit!
Cochlea severâ voce caprivum arguit:
Tu sanguinem, non lympham, ô salte, noveras;

Hæc fabulâ significatur coeuntem cum lymphâ nimis viscidâ sanguinem debilitari.

Ergo quantum sanguinis, tantum lymphæ momentum.

D O M I N I D O C T O R E S D I S P U T A T U R I .

M. Florentius-Carolus Bellot, Professor Regius,	M. Joannes-Claudius Munier, Consiliarius Regis ordinarius & Domus Regiæ Invalidorum:	M. Joannes-Baptista-Ludovicus Chumel, Academia Censor, Facultatis Exæcans, Medicus Regis ordinarius, & Regiæ Medicorum Collegii Nancienst Socius honorarius.
M. Ludovicus Pathiet.	M. Ludovicus-Renatus Marreau, Regiæ Societatis Lugdunensis Socius.	M. Hyacinthus Theodorus Baron, anticuus Facultatis Decanus, necnon castrorum Regis & exerci- tuum in Germania & in Italia Proto-Medicus.
M. Franciscus Bidaul.	M. Josephus Lallemand.	M. Ludovicus Maria Pouffe, Equus & Censor Regius.

Proponebat Parisiis NATALIS-NICOLAUS MALLET, Carnutæus, Doctor
Medicus Remensis, necnon Saluberrimæ Facultatis Medicinæ Parisiensis
Baccalaureus, A. R. S. H. 1757, A SEXTA AD MERIDIEM.

Typis Viduæ QUILLAU, Universitatis & Facultatis Medicinæ Typographi, 1757.